

**სსიპ - ივანე ჯავახიშვილის სახელობის თბილისის სახელმწიფო უნივერსიტეტში
კლინიკურ მედიცინის დარგში პროფესორ თენგიზ ცერცვაძის სახელობის მედლისა
და პრემიის მინიჭების წესი**

მუხლი 1. ზოგადი დებულებები

სსიპ - ივანე ჯავახიშვილის სახელობის თბილისის სახელმწიფო უნივერსიტეტში (შემდეგში - უნივერსიტეტი) პროფესორ თენგიზ ცერცვაძის სახელობის მედალი (შემდეგში - მედალი) და პრემია (შემდეგში - პრემია) წესდება უნივერსიტეტის მედიცინის ფაკულტეტის ინიციატივით.

მუხლი 2. პროფესორ თენგიზ ცერცვაძის სახელობის მედალი

1. პროფესორ თენგიზ ცერცვაძის სახელობის მედალი (დანართი №2) წარმოადგენს კანონმდებლობის საფუძველზე დაწესებულ საპატიო ჯილდოს.
2. მედალი შეიძლება მიენიჭოს საქართველოს ან უცხო ქვეყნის მოქალაქეს შიდა, კლინიკური იმუნოლოგიის, ინფექციურ სნეულებათა, რევმატოლოგიის და კარდიოლოგიის დარგების განვითარებაში შეტანილი მნიშვნელოვანი მეცნიერული წვლილისათვის.
3. ნომინანტის წარდგენა შესაბამისი განცხადებით შეუძლია ნებისმიერ ფიზიკურ ან იურიდიულ პირს. ნომინანტის უნივერსიტეტში წარდგენა ხდება თსუ მედიცინის ფაკულტეტის საბჭოში უნივერსიტეტის კანცელარიაში მათი რეგისტრაციის გზით.
4. მედლის მინიჭების შესახებ გადაწყვეტილებას იღებს უნივერსიტეტის მედიცინის ფაკულტეტის საბჭო.
5. მედალი ასევე გადაეცემა პროფესორ თენგიზ ცერცვაძის სახელობის პრემიის მფლობელს.

მუხლი 3. პრემიის მინიჭების პროცედურა

1. პრემიის გადაცემა ხდება უნივერსიტეტის მიერ 2 წელიწადში ერთხელ, საპრემიო წლის ივნისის თვის ბოლო შაბათ დღეს. პირველი პრემია გაიცემა 2026 წელს.
2. პრემია შეიძლება მიენიჭოს ავტორს ან ავტორთა ჯგუფს ბოლო სამი წლის მანძილზე გამოქვეყნებული სამეცნიერო ნაშრომის ან ნაშრომთა ციკლისათვის (აღნიშნული მიზნისთვის სამეცნიერო ნაშრომად განიხილება სტატია, თეზისი, მონოგრაფია და/ან მონოგრაფიის თავი).
3. კონკურსის გამოცხადება და საკონკურსო კომისიის დამტკიცება ხდება უნივერსიტეტის რექტორის ბრძანებით მედიცინის ფაკულტეტის წარდგინების საფუძველზე.

განცხადება პრემიის მისაღებად კონკურსის გამოცხადების შესახებ ქვეყნდება უნივერსიტეტის ვებგვერდზე კონკურსამდე არანაკლებ 2 თვით ადრე.

4. კონკურსში მონაწილეობა შეუძლია სამედიცინო განათლების მქონე პირს, რომელიც ახორციელებს სამეცნიერო კვლევებს შიდასის, კლინიკური იმუნოლოგიის, ინფექციურ სნეულებათა, რევმატოლოგიის და კარდიოლოგიის დარგებში.

5. პრემიის მიღების მიზნით დოკუმენტაციის უნივერსიტეტში წარმოდგენა ხდება მედიცინის ფაკულტეტის საბჭოში უნივერსიტეტის კანცელარიაში მათი რეგისტრაციის გზით, რექტორის ბრძანებით განსაზღვრულ ვადაში. აღნიშნული ვადის გასვლის შემდგომ დოკუმენტაცია (ნაშრომი) განსახილველად აღარ მიიღება.

6. წარმოდგენილ ნაშრომებს აფასებს და პრემიის მინიჭებაზე გადაწყვეტილებას იღებს საკონკურსო კომისია.

7. საკონკურსო კომისია მტკიცდება უნივერსიტეტის რექტორის ბრძანებით, მედიცინის ფაკულტეტის დეკანის წარდგინებით. კომისია შედგება დოქტორის აკადემიური ან მასთან გათანაბრებული სამეცნიერო ხარისხის მქონე 5 პირისაგან.

8. კომისია განსაზღვრავს თავისი მუშაობის წესს, პირველ სხდომაზე ირჩევს თავმჯდომარეს და მდივანს. კომისია უფლებამოსილია, თუ მის სხდომას ესწრება წევრთა ნახევარზე მეტი, იგი გადაწყვეტილებებს იღებს სხდომაზე, ღია კენჭისყრით, დამსწრე წევრთა ხმათა უმრავლესობით.

9. გადაწყვეტილება პრემიის მინიჭებაზე კომისიის მიერ მიიღება არაუგვიანეს საპრემიო წლის 20 ივნისისა და ეგზავნება უნივერსიტეტის რექტორს. პრემია ენიჭება ერთი საუკეთესო ნაშრომის (ნაშრომთა ციკლის) ავტორს (ავტორებს).

10. კომისიის შემადგენლობაში არ შეიძლება შეყვანილ იქნენ პირები, რომელთა ნაშრომები წარდგენილია პრემიის მიღების მიზნით, ასევე, პრემიაზე წარდგენილი ნაშრომის რედაქტორი/რეცენზენტი.

11. ერთსა და იმავე პირს არ შეიძლება მიენიჭოს პრემია ზედიზედ ორჯერ.

მუხლი 4. წარმოსადგენი დოკუმენტაციის ნუსხა

1. პრემიის მისაღებად გამოცხადებულ კონკურსში მონაწილეობის მისაღებად პრეტენდენტმა უნდა წარმოადგინოს შემდეგი დოკუმენტაცია:

ა) ბოლო სამი წლის განმავლობაში გამოქვეყნებული სტატიის (სტატიების) ქსეროასლი – ჟურნალის სატიტულო გვერდის, გამომცემლობისა და ქვეყნის ჩვენებით,

ინტერნეტმისამართი (თუკი ასეთი არსებობს);

ბ) ბოლო სამი წლის განმავლობაში გამოქვეყნებული თეზისის ქსეროასლი – ჟურნალის (ან კრებულის) სატიტულო გვერდის, გამომცემლობისა და ქვეყნის ჩვენებით, ინტერნეტმისამართი (თუკი ასეთი არსებობს);

გ) ბოლო სამი წლის განმავლობაში გამოქვეყნებული მონოგრაფიის და/ან მონოგრაფიის თავის ქსეროასლი – სატიტულო გვერდის, გამომცემლობისა და ქვეყნის ჩვენებით, ინტერნეტმისამართი (თუკი ასეთი არსებობს).

2. პრეტენდენტი წარმოდგენილი მასალების საფუძველზე ავსებს დადგენილების №3 დანართით დამტკიცებულ ფორმას, რომელსაც ხელმოწერილს აბარებს საკონკურსო ნაშრომებთან ერთად.

3. წარმოდგენილი ნაშრომი ფასდება დადგენილების №4 დანართით დამტკიცებული წესით.

მუხლი 5. პრემიის მინიჭება და პრემირებული პირის დაჯილდოება

1. პრემია 5000 ლარის ოდენობით (უზრუნველყოფილი უნდა იყოს სპონსორის მიერ, კონკურსის გამოცხადებამდე) კომისიის შეფასების საფუძველზე გადაეცემა გამარჯვებული ნაშრომის ავტორს საპრემიო წლის ივნისის თვის ბოლო შაბათ დღეს.

2. კონკურსში გამარჯვებულს, პრემიასთან ერთად გადაეცემა პროფესორ თენგიზ ცერცვაძის სახელობის მედალი და შესაბამისი სერტიფიკატი, რომელსაც ხელს აწერს უნივერსიტეტის რექტორი, მედიცინის ფაკულტეტის დეკანი და საკონკურსო კომისიის თავმჯდომარე.

3. ამ მუხლის მე-2 პუნქტით გათვალისწინებული სერტიფიკატის ნიმუში მტკიცდება რექტორის ბრძანებით, მედიცინის ფაკულტეტის წარდგინებით.

მუხლი 6. წესში შესატანი ცვლილებები და დამატებები

წინამდებარე წესში ცვლილებებისა და დამატებების შეტანა ხორციელდება კანონმდებლობით დადგენილი წესით.

თენგიზ ცერცვაძის მედალი



დიამეტრი 6 სმ.

სისქე 3,8 მმ

კონკურსანტის სახელი, გვარი, თანამდებობა				
ნაშრომები			IF	ქულა
სტატიები	ნაშრომი გამოქვეყნებული Thomson Reuters-ის იმფაქტ ფაქტორის მქონე ჟურნალში და/ან Scopus-ის ბაზაში ინდექსირებულ ჟურნალში			
	ნაშრომი გამოქვეყნებული PubMed-ის ბაზაში ინდექსირებულ ჟურნალში			
	ნაშრომი გამოქვეყნებული სხვა ჟურნალში			
თეზისები	ნაშრომი გამოქვეყნებული Thomson Reuters-ის იმფაქტ ფაქტორის მქონე ჟურნალში და/ან Scopus-ის ბაზაში ინდექსირებულ ჟურნალში (ან კრებულში)			
	ნაშრომი გამოქვეყნებული PubMed-ის ბაზაში ინდექსირებულ ჟურნალში (ან კრებულში)			
	ნაშრომი გამოქვეყნებული სხვა ჟურნალში ან კრებულში			
მონოგრაფია (თავი მონოგრაფიაში)	უცხოეთში გამოქვეყნებული			
	საქართველოში გამოქვეყნებული			
საკონკურსო წლებში გამოქვეყნებულ ნაშრომების ციტირების ინდექსი				

წარმოდგენილი დოკუმენტაციის შეფასების წესი

წარმოდგენილი დოკუმენტაცია ფასდება შემდეგნაირად:

1. სტატია გამოქვეყნებული ა) Clarivate Analytics - ის იმფაქტ ფაქტორის მქონე WOS-ში ინდექსირებულ ჟურნალში და/ან Scopus-ის ბაზაში ინდექსირებულ ჟურნალში - 5 ქულა; ბ) PubMed-ის ბაზაში ინდექსირებულ ჟურნალში - 3 ქულა; გ) სხვა ჟურნალებში - 1 ქულა;
2. კონფერენციაზე წარდგენილი მოხსენების თეზისი გამოქვეყნებული Clarivate Analytics - ის იმფაქტ ფაქტორის მქონე WOS-ში ინდექსირებულ ჟურნალში (ან კრებულში) და/ან Scopus-ის ბაზაში ინდექსირებულ ჟურნალში (ან კრებულში) - 2 ქულა; ბ) PubMed-ის ბაზაში ინდექსირებულ ჟურნალში (ან კრებულში) - 1 ქულა;
3. მონოგრაფია ა) საქართველოში გამოქვეყნებული - 5 ქულა; ბ) უცხოეთში გამოქვეყნებული - 10 ქულა; გ) თავი მონოგრაფიაში - საქართველოში გამოქვეყნებული - 3 ქულა; დ) თავი მონოგრაფიაში - უცხოეთში გამოქვეყნებული - 5 ქულა.
4. საკონკურსო წლებში გამოქვეყნებულ ნაშრომების ციტირების ინდექსი: 1-დან - 10-მდე - 1 ქულა; 11-დან - 20-მდე - 2 ქულა; 21-ზე მეტი - 3 ქულა.